



Republika e Kosovës
Republika Kosova – Republic of Kosovo
Qeveria – Vlada – Government

Ministria e Arsimit dhe Shkencës
Ministarstvo Obrazovanja i Nauke
Ministry of Education and Science

TERMAT E REFERENCËS PËR

REKRUTIMI E

SPECIALISTIT TË MONITORIMIT DHE VLERËSIMIT

PËR PROJEKTIN “EDUKIMI NË FËMIJËRINË E HERSHME DHE KUJDESI PËR KAPITALIN NJERËZOR”

ID E PROJEKTIT: (P179656)

EMRI I KREDISË: PROJEKTI “EDUKIMI NË FËMIJËRINË E HERSHME DHE KUJDESI
PËR KAPITALIN NJERËZOR TË KOSOVËS”

DATA: 23 mars 2026

HISTORIKU

Projekti “Edukimi në Fëmijërinë e Hershme dhe Kujdesi për Kapitalin Njerëzor të Kosovës” është konceptuar për të avancuar prioritetet kryesore kombëtare në edukimin dhe kujdesin në fëmijërinë e hershme (EKFH), përfshirjen sociale, barazinë gjinore dhe zhvillimin e ndërgjegjshëm ndaj klimës.

Në mënyrë specifike, Projekti fuqizon përpjekjet e Kosovës për të zgjeruar qasjen e barabartë në shërbime cilësore të EKFH-së, për të fuqizuar gratë dhe grupet e marginalizuara, për të forcuar kornizat institucionale dhe për të mbështetur zhvillimin në harmoni me klimën, në kuadër të prioritetëve strategjike si të Qeverisë, ashtu edhe të Bankës Botërore.

Pavarësisht këtyre përpjekjeve, qasja në shërbimet e EKFH-së mbetet e kufizuar dhe e pabarabartë në të gjithë vendin. Shkalla e regjistrimit të fëmijëve nën moshën pesëvjeçare është e ulët dhe, megjithëse pjesëmarrja në arsimin parashkollor (mosha 5–6 vjeç) është rritur, cilësia e shërbimeve dhe kohëzgjatja mbeten shqetësuese. Aty ku shërbimet ekzistojnë, ato karakterizohen nga ndryshueshmëria në standardet e infrastrukturës, kapacitetet e fuqisë punëtore, praktikat pedagogjike dhe mekanizmat e sigurimit të cilësisë. Këto sfida prekin në mënyrë joproporcionale fëmijët në zonat rurale dhe ata nga komunitetet rom, ashkali dhe egjiptian, duke i thelluar boshllëqet në mësimnxënie të hershme si dhe pabarazitë afatgjata. Si përgjigje, Qeveria e Kosovës, me mbështetjen e Bankës Botërore, është duke zbatuar Projektin “Edukimi në Fëmijërinë e Hershme dhe Kujdesi për Kapitalin Njerëzor të Kosovës” (P179656). Objektivi i Zhvillimit të Projektit (OZHP) është përmirësimi i cilësisë dhe qasjes së barabartë në shërbimet e edukimit dhe kujdesit në fëmijërinë e hershme në Kosovë. Projekti është i strukturuar rreth katër komponenteve që e përforcojnë njëra-tjetrën dhe që adresojnë kufizimet si në anën e ofertës, ashtu edhe në nivel sistemi në sektorin e EKFH-së.

Komponenti 1: Përmirësimi i cilësisë së shërbimeve të EKFH-së fokusohet në forcimin e standardeve të shërbimit, avancimin e fuqisë punëtore të EKFH-së, përmirësimin e praktikave pedagogjike dhe fuqizimin e sistemeve të sigurimit të cilësisë dhe monitorimit. Arritja e përmirësimeve të qëndrueshme në kuadër të këtij komponenti kërkon mbështetje analitike dhe asistencë teknike për të siguruar informata për kornizat e cilësisë të bazuara në dëshmi, strategjitë për zhvillimin e fuqisë punëtore dhe mjetet e zbatimit.

Komponenti 2: Nxitja e integritit multi-sektorial në ofrimin e shërbimeve të EKFH-së trajton fragmentimin e shërbimeve të zhvillimit në fëmijërinë e hershme në sektorët e arsimit, shëndetësisë, mbrojtjes sociale dhe mbrojtjes së fëmijëve. Ndonëse Kosova ka bërë përparim në hartimin e politikave sektoriale, mekanizmat e koordinimit dhe kapaciteti zbatues mbeten të dobëta. Ky komponent e thekson nevojën për mbështetje teknike për të forcuar qeverisjen, qartësimin e roleve institucionale dhe funksionalizimin e modeleve të integruara të ofrimit të shërbimeve në nivel qendror dhe komunal.

Komponenti 3: Rritja e qasjes së barabartë në shërbimet e EKFH-së synon zgjerimin e disponueshmërisë së shërbimeve të EKFH-së, veçanërisht në komunat me mungesë të shërbimeve dhe për popullatat e cenueshme, përmes investimeve në infrastrukturë, zgjerimit të shërbimeve dhe masave të synuara për qasje. Nevojitet mbështetje analitike dhe këshilluese për të udhëzuar prioritetet, për të siguruar shënjestrim të fokusuar në barazi dhe për të mbështetur komunat në planifikimin dhe zbatimin e ndërhyrjeve për zgjerimin e qasjes në përputhje me realitetet demografike dhe fiskale.

Komponenti 4: Menaxhimi i projektit dhe monitorimi e vlerësimi mbështesin zbatimin efektiv, koordinimin dhe monitorimin e rezultateve. Duke pasur parasysh kufizimet e kapaciteteve në sistemet e të dhënave, monitorimin e performancës dhe ciklet e të nxënit, kërkohet asistencë teknike e synuar për të forcuar kornizat e monitorimit dhe vlerësimit, për të mbështetur përdorimin e të dhënave administrative dhe anketuese dhe për të siguruar që përvoja nga zbatimi të reflektohet në politika dhe në vendimmarrjen operative.

Projekti zbatohet nga Ministria e Arsimit dhe Shkencës (MASH), e cila ka përgjegjësinë e përgjithshme për mbikëqyrjen strategjike, orientimin e politikave dhe koordinimin me ministrinë përkatëse, ndërsa një Njësi e dedikuar për Zbatimin e Projektit (NJZP) në kuadër të MASH-it është përgjegjëse për menaxhimin e projektit në baza ditore, funksionet fiduciare, prokurimin, monitorimin dhe vlerësimin, si dhe koordinimin e asistencës teknike në kuadër të komponenteve të projektit. Në këtë kuadër, projekti synon të themelojë Njësinë për Zbatimin e Projektit (NJZP) për të ndihmuar Qeverinë e Kosovës dhe institucionet zbatuese në avancimin e projektit të EKFH-së në kuadër të secilit komponent të projektit, forcimin e gatishmërisë për zbatim dhe sigurimin që ndërhyrjet e projektit të përkthehen në përmirësime të matshme në cilësinë e shërbimeve, barazinë dhe rezultatet e kapitalit njerëzor.

Për të hartuar dhe zbatuar kornizat për përcjelljen e performancës, si dhe për të siguruar që projekti t'i arrijë objektivat e tij zhvillimore në kuadër të Projektit, Ministria e Arsimit, Shkencës, Teknologjisë dhe Inovacionit, në cilësinë e agjencisë zbatuese, synon të rekrutojë një Specialist të Monitorimit dhe Vlerësimit.

PËRGJEGJËSITË E SPECIALISTIT TË MONITORIMIT DHE VLERËSIMIT

Specialisti i Monitorimit dhe Vlerësimit do të jetë përgjegjës për zhvillimin e kornizës së M&V-së, mbledhjen, analizimin dhe raportimin e të dhënave kundrejt kornizës së rezultateve, mbështetjen e NJZP-së në vendimmarrje të bazuar në dëshmi, verifikimin e treguesve dhe mundësimin e ndërhyrjeve korrigjuese me kohë përmes komenteve të bazuara në dëshmi. Specialisti i M&V i raporton Koordinatorit të Projektit, duke punuar ngushtë me ekipin e NJZP-së dhe MASH-in.

Funksionet kryesore të Specialistit të M&V do të përfshijnë si në vijim:

- Të hartojë planin e M&V-së dhe zbatimin e projektit;
- Të zbatojë kornizën e monitorimit dhe vlerësimit (M&V) të projektit, në përputhje me planin e M&V-së dhe objektivat e projektit;
- Të mbështesë Koordinatorin e Projektit në përgatitjen e komponenteve të M&V-së të planit vjetor të punës;
- Të hartojë dhe përditësojë rregullisht planin e M&V-së, duke përfshirë treguesit, metodat e mbledhjes së të dhënave, përgjegjësitë dhe afatet kohore;
- Të ndihmojë NJZP-në në hartimin e treguesve të performancës, vlerave bazë dhe caqeve për përcjelljen e progresit të të gjitha komponenteve të projektit;
- Të udhëheqë zhvillimin dhe zbatimin e mjeteve dhe metodologjive për mbledhjen e të dhënave sasiore dhe cilësore;
- Të sigurojë mbledhjen, analizimin dhe raportimin me kohë të të dhënave të monitorimit nga aktivitetet zbatuese të projektit;
- Të koordinojë përgatitjen e raporteve të rregullta të M&V-së, duke përfshirë progresin, rezultatet dhe mësimet e nxjerra, për dorëzim tek palët e interesit dhe donatorët;

- Të prodhojë komente të bazuara në dëshmi për planifikimin e projektit dhe formulimin e politikave;
- Të mbështesë hartimin dhe zbatimin e vlerësimeve, vlerësimeve të ndikimit dhe studimeve mësimore në përputhje me Planin e M&V-së të Projektit;
- Të ofrojë trajnime dhe ngritje të kapaciteteve për stafin e projektit dhe partnerët lidhur me proceset dhe mjetet e M&V-së;
- Të mbështesë menaxhimin adaptiv duke lehtësuar përdorimin e gjetjeve të M&V-së në planifikimin e projektit, vendimmarrje dhe raportim.

Në përgjithësi, detyrat specifike që do të ndërmerren nga specialisti do të përfshijnë, por nuk do të kufizohen vetëm në ndihmën praktike për:

- Mbështetjen e vizitave në terren dhe misioneve mbikëqyrëse për të mbledhur të dhëna të monitorimit në kohë reale;
- Koordinimin me partnerët zbatues dhe palët e interesit për të siguruar dorëzimin me kohë të informatave të monitorimit;
- Mirëmbajtjen dhe përditësimin e bazave të të dhënave të M&V-së dhe sistemeve të menaxhimit të informacionit të projektit;
- Ndihmën në përgatitjen e të dhënave për raportet, shqyrtimet vjetore dhe vlerësimet afatmesme;
- Ofrimin e mbështetjes praktike gjatë zbatimit të anketave dhe analizave që lidhen me projektin;
- Përmbledhjen dhe organizimin e dokumentacionit të rezultateve të projektit;
- Ndihmën në zhvillimin e materialeve për vizualizimin e të dhënave, si grafikë, infografikë dhe panele me të dhëna;
- Përcjelljen e statusit të zbatimit të rekomandimeve të M&V-së dhe veprimeve të dakorduara;
- Mbështetjen e monitorimit të ndjeshëm ndaj gjinisë dhe gjithëpërfshirjes, duke siguruar që të dhënat të jenë të ndara në mënyrë të përshtatshme;
- Ndihmën në organizimin e punëtorive për rishikimin e projektit, takimeve reflektuese dhe ngjarjeve mësimore.

PERIUDHA E ANGAZHIMIT

Specialisti i Monitorimit dhe Vlerësimit do të angazhohet me orar të plotë. Kontrata pritet të fillojë në maj 2026. Kohëzgjatja e kontratës do të jetë një vit, me mundësi vazhdimi bazuar në performancë të kënaqshme dhe nevojat e projektit.

Konsulenti do të paguhet në baza mujore, sipas një tarife të dakorduar para nënshkrimit të kontratës. Të gjitha afatet dhe kushtet do të përshkruhen në kontratën e konsulentit. Kontrata do të jetë për Konsulent Individual sipas kontratës standarde të Bankës Botërore të bazuar në kohë, në përputhje me Rregulloret e Prokurimit të Bankës.

KUALIFIKIMET

Kualifikimet e përgjithshme

- Diplomë në edukim, ekonomi ose shkenca të tjera relevante shoqërore. Diploma pasuniversitare (p.sh. MA ose më e lartë) do të konsiderohet përparësi.
- Minimumi 3 vjet përvojë pune në monitorim, vlerësim dhe mësimnxënie me agjenci qeveritare, organizata ndërkombëtare dhe/ose OJQ.
- Përvojë e dëshmuar në projekte zhvillimore, përvoja paraprake në menaxhimin e projekteve të Bankës Botërore do të konsiderohet përparësi.
- Kërkohet njohje e gjuhës angleze dhe shqipe (njohja e gjuhës serbe është përparësi).

Kualifikimet specifike përkatëse për pozitën

- Certifikim në Monitorim, Vlerësim, Llogaridhënie dhe Mësimnxënie.
- Përvojë e dëshmuar në përpunimin e të dhënave duke përdorur programe softuerike. Njohuri për metodat e hulumtimit shoqëror – cilësor dhe sasior, është e domosdoshme. Certifikimet në SPSS, R Studio, STATA ose në analizën e të dhënave do të konsiderohen përparësi.

SHËNIM: Kandidati/ja i/e suksesshëm/me do të kërkohet të paraqesë dëshmi nga evidenca penale para konfirmimit përfundimtar të punësimit. Kjo pozitë i nënshtrohet verifikimit të kënaqshëm të historikut.

PROCEDURA E APLIKIMIT

Të gjithë aplikantët e interesuar duhet të dorëzojnë këto dokumente:

- CV
- Letër interesi
- Kopje të certifikatave dhe diplomave përkatëse
- Të dhënat e kontaktit për dy reference profesionale.

Dosja e plotë e aplikimit duhet të dorëzohet jo më vonë se më 31 mars, në orën 16:00, në adresën e mëposhtme të e-mailit: apliko.mash@rks-gov.net

PROCESI I PËRZGJEDHJES

Individët me përvojë dhe të kualifikuar do të përzgjidhen sipas dispozitave të Rregulloreve të Prokurimit të Bankës Botërore për Kredimarrësit e Financimit të Projekteve Investive, korrik 2016, duke u bazuar në një thirrje të hapur.

